

江蘇府屬縣十志輯

中國地方志集成

中國地方志集成

# 中國地方志集成

江蘇府縣志輯 ③⑦

光緒武進陽湖縣志

江蘇古籍出版社 ● 上海書店 ● 巴蜀書社

責任編輯 王華寶  
封面設計 范一辛

中國地方志集成

江蘇府縣志輯 ③⑦

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 二〇二元

1991年6月第1版 1991年6月第1次印刷

ISBN 7-80519-251-0 / K·131



光緒武進陽湖縣志



(清) 王其淦  
(清) 吳康壽  
湯成烈等纂修

重脩武進陽湖合志序

邑之有志道地圖書外令辨其人民  
與其財用周知其利害非僅供騷客  
吟詠史官采擇已也觀民俗之純駁  
藉以興利除弊其有關於政教宏矣  
毘陵為東南望縣襟江帶湖人傑地  
靈非僻陋彈丸者比尤不可以無志唐

序一

宋以來無聞已前明王文肅始經搜訪  
實此志之濫觴後唐太常鍾事增華  
蒐羅漸博然亦未為備也我

朝

邑賢陳樹峯舍人以燕許大手筆毅  
然以脩志自任精心撰述俚者使之文漏  
者使之密譬諸巨室鈇規兼呈兩次  
釐訂炳然與武功鄒練同其模乾隆

三十三年山陰陳廷柱作宰陽湖乃集搢  
紳於庭而謂之曰雍正二年析武進東地  
五十里為陽湖迄今四十載若仍循舊志  
恐名實之不符遂分志焉逮道光二十  
年復併為一其間或分或合沿革紛紜  
淫竊思之在昔武進晉陵雖為兩邑然  
分而復合而復分其山川閭里閩津

序二

橋插或可略為區別至人物互相遷徙  
風俗交相遵尚雖欲別之烏得而別之  
蓋今之繁不若古之簡孫琬誠卓見哉  
自咸豐十年粵逆蹂躪茲土者紳病  
學風流雲散不加補纂者三十餘年矣  
塗初蒞此邦值干戈甫靖人民寥落當  
時武備方殷似難驟興文教而淫竊恐

忠孝湮沒而不傳，僻驛傾圮而莫改，每歎兵燹之後，文獻尤亟。時有脩志之心，嗣焉未逮。光緒二年，大府使脩邑乘，設局編輯。滄有長民責，何敢些窳偷安，稍延晷刻。即與鄰人士倡議捐輸，共得若干緡，以儲采訪刊刻之費。延劉雲樵觀察綜理厥事，兼聘邑中有品學者為之總纂。分校

序三

咸閉戶編摩，不問寒暑，閱三載而告歲。斟文酌字，匪特因舊志加增，已耳體例有未盡善者，必恣意改革，務求其當。如刪帝系，避表傳懷，乎不敢與國史相混。尚矣若夫升莊方耕先生，於經學表微闡幽，尤足激揚士氣，既美且備，不幾駕舊志而益上歟。滄承乏此間，歷有年所，民事

充積未暇，魚頤賴諸公之力居多。志既成，屬序於余，不揣謏陋，謹綴數語於簡端，用以答

聖主

稽古右文之雅化，竝樂觀庶民飲和

食德之盛軌也。是為序  
光緒己卯仲秋同知銜知武進縣事  
廬陵王其淦撰

序四

重修武陽兩縣合志序

今之縣志猶古者列國之有史書也邑之掌故於是乎在徵信於前傳信於後所係重矣顧閱時既久不能無沿革興廢之殊事多則記載益繁事遠則攷核宜慎必取舊

序一

志而修葺之此固非史才莫屬也武進與陽湖兩縣本係同城故合為一志康壽於往歲初蒞陽湖任時即求縣志閱之以為政令之助而縣邑自經兵燹城鄉景物迥異昔時邑之縉紳先生采訪忠義稽

求實錄以垂令典遂以光緒三年

丁丑重修縣志繁者刪之新者增之纂修諸公皆一時鉅手詳審精密歸於至當以五年冬月告成茂矣美矣洵於信史之稱無所愧矣真西山有言為此邦吏者不可無

序二

是書康壽不才得藉此編以為攷鏡得失之資誠大有裨益而區區之意更有希於邑之人者夫以常郡人父之蔚起忠孝之綿延科甲之鼎盛下至農工商賈不乏高人誼士寄託其間凡此姓名所登輝

煌簡冊吾知有志之士閱此書者  
 必當思已往勵將來躬行而實踐  
 之庶幾繼美嗣徽與昔之人後先  
 輝映也則是書之修其有係於邑  
 之人心風俗者豈淺鮮哉光緒己  
 卯仲秋運同銜補用同知調任青  
 序三

浦縣知陽湖縣事石門吳康壽謹  
 敘



光緒武進陽湖縣志

總目

序

原序

纂修職名

凡例

目錄

光緒武進陽湖縣志 總目

原序

明

萬曆三十三年脩武進縣志序二

序曰鶴徵幼聞諸故老謂武進未嘗有志近於周中舍家得殘志二帙刻之頗工考其纂次不在正德末則嘉靖初也即正德末去今未百年方鶴徵之幼則僅二十餘年何以當時故老絕無知者及今徧訪藏書家更無他帙其故殆不可解數十年來人或歎息謂之闕典萬曆甲辰南昌晏侯來自浙之太平政教備舉既已再考居最入侍承明蓋在旦夕乃汲汲於眾曰首陵武進在唐稱望縣地大人眾政繁務殷入版圖二百三十餘年其間利弊之興

光緒武進陽湖縣志

原序

一

革賢哲之喬庸不知凡幾失今不紀後益無徵爰及鶴徵屬之具草辭弗獲始與惲君應璽陳生邁湯生桂貞收拾遺文咨詢輿論斷以鄙見述其一二為卷者八地理居其二錢穀居其二人物居其二職官科第武備為一卷詞林藝道為一卷與前此郡邑之志體裁稍異夫世之言志者曰志者史也史則文而已矣是故窮山川之幽深足發覽勝探奇之興采題詠之葩蓋足侈騷人墨客之談索怪誕之隱蹟足禱諸史稗官之魄稱良志矣以余徵之周官似不爾也土訓掌道地圖以詔地事以辨地物小史掌邦國之志外史掌四方之志職方氏掌天下之圖以掌天下之地辨其人民與其財用周知其利害使同貫利則知圖志者無非為政教計也

儀以今日郡邑之圖志上之內外史職方氏其有當焉否乎武進為財賦與區民生舒慘惟是焉繫故於財用特詳武進自季子以禮讓為教千載而下至闔城死國其靈秀之所鍾鬱為人文何可數記他志於人物略舉大端鶴徵必指其事而詳之俾讀者如見乎其人景行思齊所由切矣語曰不習為吏視已成事又曰前事不忘後事之師也大都使為吏者得視已成為土人者不忘前事則於政教未必無少補云時日稍促咎在挂漏剛在脩詞則尙有俟乎君子萬曆乙巳五月朔陽進士出身中憲大夫太常寺少卿邑人唐鶴徵撰

光緒武進陽湖縣志

原序

二

焉無有也其大略見於郡志者獨知在唐為望縣在今為劇邑人文盛於海內財賦甲乎三吳如斯而已乃若禮義之舉廢政事之因革財用之盈縮風俗之美惡人物之賢否郡志不得而詳焉夫遺裔下縣名山靈域莫不有志武進乃中吳巨鎮何哉而獨闕斯舉推厥所繇則非章程之難纂操翰之無人也良以措紳禁列月巨難周家有挾刃之胡奴人有私所之張說以故野史之文四鄰莫視公庭之議百載無成迨於甲辰歐陽郡侯適脩郡志不佞因以縣志併請既得報可遂謀之瑤池惲先生啟莘鏡先生元臺薛先生僉以總裁之任請於凝菴唐先生而惲先生及陳生邁湯生桂貞贊贊焉已而歐陽公以擢備潁州兵憲行今侯王公繼主

是與甫及成書而不佞叨轉比部竊觀是志也蒐羅不漏注紀無  
隱文約而事該體嚴而例正非世禪詞林操履純白未易及此不  
佞幸寬初念藉光分榮不勝愉快遂捐資付梓以傳永久萬曆乙  
巳端陽日賜進士第文林郎知武進縣事南昌吳文輝撰

國朝  
康熙二十三年脩武進縣志序

序曰前癸丑春謬叨聘續脩邑志自故明萬曆四十八年以迄  
本朝康熙十二年事蹟披採過半旋因停局遂未成書今二十二  
年孟夏復奉部文設局編纂限三月告成其十二年以後事蹟及  
前未卒業者自應續纂常州府知府臣盧崇義武進縣知縣臣武

光緒武進陽湖縣志

原序

三

俊常州府儒學教授臣許廉訓導臣葛兆熙武進縣儒學教諭臣  
陳吳訓導臣洪珣造臣之廡以臣昔日經紀之人復命總司其事  
臣謝不敏不可以辭遂循原任刑部員外郎臣黃永原任襄城縣  
知縣臣劉漢卿丙戌科舉人臣龔百藥候補國子監助教臣趙燧  
晷晝夜編輯香萃成書上之晉撫既上之後臣竊恐時替迫促不  
無望漏無得更以兩閱月之功閉門較訂共成書四十四卷臣又  
念刻費艱難倡議捐輸紳衿里耆幸有同志共得五百緡有奇以  
付剞劂惟是臣邑志故明二百八十餘年脩之者一一為成化間  
王文肅俱一為萬曆間唐太常卿徵文肅志事簡而文樸太常志  
則踵事增華條分類別義例已異乎前人今臣奉功令遵照河南

省志例遂與舊志更有異同如建置沿革向引史記秦伯虞仲奔  
荆楚語遂以吾邑為荆蠻是信史記而不信左傳臣既辨之沿革  
卷中爾雅嚴制九州江南曰揚州吳越之間有具區據此則三吳  
正揚州也舊曰屬曰附皆非太史公曰天有列宿地有州域三光  
者陰陽之精氣本在地而聖人統之者以人合天之謂也向  
歆京房諸家推本洪範五行五事而皆祥醜疢分應之不無傳會  
然彰天戒謹人事作者有取焉故災祥之占不敢忽焉貢載揚州  
之山川曰三江曰震澤周禮職方氏其數具區其川三江其浸五  
湖今皆邑分也揚州於天下當九之一東南巨浸昆陵實兼擅之  
則形勢烏可不詳延陵季子古稱終身不入吳國考劉向說苑吳

光緒武進陽湖縣志

原序

四

用延州來季子并冀州合之左傳季子與楚論州來事則季子蓋  
用於吳而非不入吳國者吳大帝以來前史冊所稱丹徒曲阿晉  
武帝以後所稱丹徒曲阿延陵晉惠帝以前所稱暨陽俱屬今武  
進則凡人物故事舊志未盡入者皆應採入水澤源流所以襟帶  
江湖漚溉田疇其繁甚鉅明應天巡撫張國維刻三吳水利一書  
精明水治臣取而合之本邑河流不差銖黍而復採諸家之說分  
列水源水流水治以詳之學校者祀先聖先賢也舊志止及祭器  
樂器生徒員額歲薦科名諸條目而不及聖賢神位姓氏無非以  
聖賢徧祀天下耳不知一邑中凡寺觀諸神位號無不具載茲乃  
獨於先聖先賢闕焉此大不可解者至七十子異同不一先賢先

儒增罷不齊政正自不容已今遵部頒之位次列於前以異同增罷之不一者列於次改祀罷祀諸賢或疑前人之過刻者列於後後人議進之從祀而未定者亦括其大指著於篇此臣補舊志所關以俟論定者也吾邑爲蕭梁發蹟之區其墟墓猶有存者帝繫自不應闕略文肅志載而未詳太常志則俱不錄臣從舊史本傳節略爲傳哀爲一卷又攷舊志及京口志皆載水平王同禹治水茲土爲后稷次子蓋后稷一子在西北教民稼穡一子在東南佐禹底定則志君長者宜首水平王炎漢之季裂而爲三國人指曹丕爲篡則孫氏兄弟奮起於斯傳國於其子孫固一時之雄也隋家末葉羣雄爲李氏先驅吾邑裂於沈法興其時楊廣有弑父

光緒武進陽湖縣志

原序

五

弑君之罪故法興欲乘機自王其始末烏可不紀季唐之衰裂國以十朱溫爲篡李氏以失怙孤兒承十九葉大業蓋亦人傑故臚列卷中亦補舊志之闕也舊志人物以季子爲冠今既列之於吳世家中乃以披裘翁冠之延陵卓子則見之韓子一書其唐宋元明人據國史增入者若干人據家乘增入者若干人試以舊志合之班班可攷太常標立名目過多今總而一之曰人物務紀實且遵例也他如孝義非益棺論定者不錄列女則二十守節至六十七十之年卽未產亦應不沒其姓氏若隱逸賢雜其人故續載不過一二人仙釋方伎據所聞可錄卽錄編無關輕重舊志藝文詳矣然臣披閱經史百家書有一事一語關於邑乘爲舊志失載

者皆增入而特以聖人書十字碑稱首以季札視周樂諸文次之若舊載無闕郡邑者悉刪削不存詩詞搜閱唐宋元明諸集增入不可勝紀鏡鑑戶口上關國課下繫民生既載我

朝定典仍列前代以便覈消長而稽損益大抵臣邑田畝西北高而東南下瘠薄者多膏腴者少雨暘稍不時若輒鯨鯢可慮自康熙十八十九兩年天災流行田畝拋荒十且四五賦稅由茲逋欠繁集雖有司日事敲骨搗髓而挂吏議如故有心君國者誠不知何以云救也撫遺雜辨雜文章賡事其間一事物之微實有關風化使善者興而不善者戒如黃霸在潁川某所大木某亭猶子必記其遂在渤海一樹榆百本蠶五十本蔥一畦韭不忽蓋小者未

光緒武進陽湖縣志

原序

六

嘗不可以悟大若志怪之言多不之取然如麟經夏五郭公之類亦隨存勿略也若筆墨菲穢不能整齊具文咎實不欺辭時康熙二十三年歲次甲子初秋

賜進士第中書科中書舍人加二級管理諸敕寶冊

賜宴體仁閣充戊午順天鄉試同考官邑人陳玉璫序

康熙三十一年脩武進縣志序

序曰憶自癸亥孟夏奉部文編纂邑志共成四十四卷上之督撫旋檄抄騰解部迄於今已閱九年矣竊念當日期限迫促不無抵牾星漏之病又念來歲卽

聖駕親臨吾邑爲千古寵榮盛事情前志不及紀載以爲闕典今

壬申春邑侯王公以續志見委爰自二月之初開門卻掃重事編  
纂仍照昔年部頒條例以次增定而特書

南巡爲弁首其九年之內凡爲因革損益諸務悉嚴核而備書之  
他如建置星野山川疆域之類前志已詳者弗贅也至於人物孝  
義數年來尙無論定則姑闕之每一卷成輒請我侯裁定四閱月  
告竣都爲若干卷付之棗梨予因作而歎曰自司馬子長作史有  
紀傳表譜體而復爲八書以述典章晰經制至班孟堅易書爲志  
後世因之乃若陳承祚李延壽之稱史才其所爲三國南北二史  
俱不敢作志此江淹所爲脩史之難無出乎志也況十年一變法  
百年一變教其間詳略異同不無限於閱見茲九年之內一邑事

光緒武進陽湖縣志

原序

七

故皆予耳目所親記既無傳聞失實之憂據事直書固簡毋濫備  
樸毋華使士食舊德之名氏農服先疇之畝畝正不必如揚子雲  
所云把三寸弱翰齋油素四尺問異語歸卽以鉛摘之於槩也予  
因慨今日東南之吏率以簿書爲急語及文教之事悉如枘鑿之  
不相入今何幸郡侯于公以禁苑近臣分符吾郡邑侯以大司馬  
軒轅公令子舉名孝廉來蒞吾邑並能振興文教孜孜如不遑茲  
續志一舉則又文教之最大者予愧菲材不能仰副兩侯盛意昔  
錢氏論有明一代之志莫如康德涵之武功王敬夫之鄞縣都元  
敬之練川顏惟喬之隨州而於顏猶以雜舉時政爲非體予固不  
敢望武功郭練或者免於隨之誦而可矣康熙三十一年歲次壬

申孟夏邑人陳玉璣撰

乾隆三十年脩武進縣志序

序曰大江之南其川原沃衍民物繁滋士櫛學無奇羨政事科名  
爲奕相望焉前明吉水而上之者惟武進爲稱首余官於是前後  
再期自以校簿書赴期會於民生土俗殆未有少補也夫爲治者  
先定其規模而後從事邑之有志規模具焉乃九十年來沿革無  
微得失鮮據長民者能無慙歎且邑自雍正四年來析其半爲陽  
湖地已分而志集於一上官下車輒奉陳中翰椒峯舊志以進以  
璋之合作珪之判非所以物土而宜民也於時陽湖陳公雅有同  
志爰於學校鳩工之後與邦之人士商所以編輯者詢謀僉同欣

光緒武進陽湖縣志

原序

八

踴恐後於是延金沙虞考功總持秉筆副以董吉士東亭提調分  
脩旁逮採訪咸擇賢以助乃事編次未竟將侍御琴履復於聖廡  
補哉潤色以漬於成然後武之與陽蓋然有畫一之書井疆封守  
各辨其方風土水泉各識其所數十年制度之損益禮俗之推遷  
名賢脩士之風徽文物皆大書特書無復減沒而不彰此邦之幸  
而亦蒞此邦者之先責也惟予既觀其成方期斯夕循覽因地而  
布之利以仰副  
休養漸靡之治旋蒙  
渥恩同知徽州府事以去每一念此輒眷眷不忘云時乾隆三十  
年歲次乙酉孟夏穀旦知武進縣事陞任徽州府同知新城王祖

蕭撰

乾隆三十三年輯陽湖縣志序

序曰晉陵首號名邑蘇郡東南與武邑接壤相錯歷代分合互見迄我

聖朝

憲廟之四年復析為兩縣吳中推輿衛焉抑亦文獻之藪也予於己卯冬視事此邦欲稽掌故訪遺蹟自前明併晉陵於武進

國初因之典章紀載未有分帙沿襲已數百年剖符分治以來又四十年於此山川人物壤賦職官既勞且闕可不與郡人士遠搜往古之遺文近紀太平之勝事哉雖然一事之成亦誠未易言矣

光緒武進陽湖縣志

原序

九

金壇虞考功郎中與予同賦鹿鳴昔年秉鐸斯土物望咸歸敬延以總乃事東亭童太史副之事將過半考功之官入都東亭以一人肩厥任乃太史旋以脩文遊也纂輯凡十有二卷脩飾潤色若有未盡侍御蔡龍蔣公讀禮之餘起而綜核乃得成編其敘事實直其文雅馴分科釐訂瞭若掌紋邑之士大夫徵序於予率為數言以見分邑之志未可以闕焉不脩而脩之又若是其不易也乾隆歲次乙酉荷月

賜進士出身知陽湖縣事陞任安徽亳州知州山陰陳廷柱撰

道光二十二年脩武進陽湖合志序三

序曰武進縣志肇自前明唐凝楚太常重脩於

國朝康熙三十四年陳椒峯舍人後析武進地為陽湖縣乾隆三

十三年董東亭庶常始為兩縣分志道光十九年前守黃南坡暨

孫達齋王汝坪兩邑合延邑名宿李中皆總司纂輯合武陽為一志曰凡十有六為書三十六卷迨年將竣事而前守及兩邑令皆

以調任去總纂亦遽赴召玉樓邑人士踵而成之將以備他日之

掌故且俟後賢之論定也而索序於余余惟乾隆三十三年以迄於今蓋七十餘載矣文獻無徵不獨邑人士之憂也夫民氣之盛

衰風俗之醇澆吏治之善敗與夫賦役漕運之轉輸山川勝蹟之湮留守土者取而觀之抑亦考鑿得失之林也況值海氛不靖之秋鶴唳風聲警報日至邑人士猶得從容以成是書於以下此邦

光緒武進陽湖縣志

原序

十

人文之盛方興未艾而守土者亦與有榮施也是為序道光壬寅冬月知常州府事京山查文經序

序曰武進於古為毘陵地禹貢北江在縣北境東攬具區馬蹟諸勝而適當南北往來孔道故山川之秀民物之盛風俗之醇常甲於他邑焉我

朝雍正四年以境廣賦繁析其地之半為陽湖至乾隆三十三年遂有分志之刻迄今已七十餘載矣編殘簡脫紀述無人後之為

政者於何而考盛衰秉筆者於何而審得失歟余於道光十八年攝篆茲土即有意重脩第念分志善矣而不如合志之尤善蓋毘

陵自晉太康中析置武進為兩縣梁天監中倚置蘭陵歷唐宋時

皆爲武進晉陵兩縣明初省晉陵入武進

國朝又析爲陽湖其間或分或合沿革瞭然而山川戶口溝涂衢巷與夫人情之喜好俗尚之遵循又何一可劃然兩分者焉若合而載之使詳略可以互見彼此可以並參而我兩邑之宰於斯者亦得詢謀僉同相助爲理則誠善之善者也因商之陽邑王君亥坪實有同志借請於郡侯黃南坡先生與郡人士設局纂脩延前庶常李公申耆總其事方冀是書可剋期就不意逾年而李公去世余與亥坪又先後量移去然每一念及輒若有重負未釋者然今年冬余復來此邦下車後亟詢志書若何則業已告竣卷凡三十有六前所已具者仍之未及者補之其於由合而分由分而合

光緒武進陽湖縣志

原序

七

者灼乎如揭諸指也瞭乎其視諸掌也井井乎如絲之聯而繩之貫也嗚呼備矣胡刷將終邑人徵序於余余乃思合志之脩已歷四稔而余遙觀厥成未嘗不歎是邦人文之美暨諸紳士之踴躍贊襄俾風塵末吏披輿圖施條教得所藉手獲展微勞用答揚聖天子化民成俗之盛心也其何幸如之爰不辭而爲之序道光壬寅冬仲知武進縣事孫瓌序

序曰郡邑有志以人傳地亦以地傳人而時與事其附著者也以人傳地則體例不可不嚴以地傳人則體例不可不嚴己亥之春余在毘陵因武陽邑志歲久未脩欲合成之謀諸知先生曰脩志與脩史異史之義爲天下萬世戒志之義爲一鄉勸效地賢能輩

出霧集森涌諸君子覈要圖微務詳毋略務恕毋苛傳聞之實未

可少誣宋取之功未可少隘也鄉先生皆以爲然爰是開局分輯畱往酌繼口有孳孳未及竣事而余調任以去常快弗釋於懷今者志成於京口舟次一再披覽慰無比似已抑余更有進焉毘陵代有偉人志完之名節荆川之經濟恭毅之治術姑不具論降至蓬閣之浮砥襄廂之窮探類多駉思殫精暨暨以自致於不朽非徒地能傳人人實能傳地也使斯地斯人之秀出綜維先賢名臣若而人儒林文學若而人忠節義行若而人觀感興起每臻愈上夫亦何所刻求願督旣衡於古今功名之際或少有委蛇遷就雖其人位望崇高才智卓越不能不繫以微詞是人能傳地地終

光緒武進陽湖縣志

原序

七

未能傳人有志之士誠知先賢名臣儒林文學忠節義行各有深入極造不可磨滅之真凡所爲崎異偏至之行馴然一歸於中正純全而不留尙論者之遺憾倫魁屢跡風俗敦龐豈非盛之尤盛者其地其人其志彪炳無窮期矣披覽輒書數語還質諸鄉先生道光癸卯知陽湖縣事光山王德茂撰

光緒武進陽湖縣志修輯職名

鑒定

督辦常州府屬志書江蘇候補知府張球

常州府知府今調蘇州府知府畢保釐

同知銜武進縣知縣王其淦

運同銜江蘇補用同知陽湖縣知縣今調青浦縣知縣吳康壽

監修

鹽運使銜江西候補道前日講起居注官司經局洗馬董似毅

二品銜賞戴花翎前安徽候補道惲光業

布政使銜賞戴花翎前湖北鹽法武昌道盛康

光緒武進陽湖縣志修輯職名

三品銜賞戴花翎前貴州貴陽府知府惲鴻儀

鹽運使銜賞戴花翎前福建候補道劉翊宸

二品銜賞戴花翎前直隸清河道費學曾

三品銜河南候補道劉翰清

五品銜翰林院編修呂耀斗

總纂

前浙江玉環同知湯成烈

副纂

前刑部廣西司郎中莊慶熙

保用訓導管樂

分纂

試用訓導莊毓鈺

歲貢生丁壽葵

國史館謄錄監生呂懋齊

生員莊寶澍

總校

候選訓導陳清照

廩貢生吳瑛

分校

生員湯世商

舉

前貴州候補知縣署仁懷縣知縣洪用懃

廩生吳誦綸

中書銜前署崇明縣教諭試用訓導段紹襄

候選從九品楊鳳生

廩生薛紹元

附貢生莊善孫

廩生莊敬承

廩生費勳藩

廩生孫紹甲

光緒武進陽湖縣志修輯職名

修輯職名

二

監	生 莊寶森
監	生 湯世儀
收掌	
浙江候補從九品	劉其溥
繪圖	
候選縣丞	余文銀

光緒武進陽湖縣志

修輯職名

三

光緒武進陽湖縣志

凡例

一縣志之作原備 國史一統志通志府志採擇是以建立門類分別詳載不厭繁多然亦必有限制未便將闕里瑣事概行採錄

一志乘既有通志府志縣志之別則各有其體裁不可任一己之私見妄立名目亦不可因眾口之紛騰謬為增減今輯縣志自當備詳縣之沿革規制上不可僭越下尤忌鄙俚

一志之作也原本正史之地理志由地理而條析之則山川疆域鄉里風俗皆宜詳矣賦役營建以類從矣因而推及政治

光緒武進陽湖縣志

凡例

一

則禮祀學校兵防官師選舉在所必識矣又推而至於人物則其品概著作亦所難略矣然揆厥本原不過備載各事各物所志者為縣則關於其縣者無不詳蓋詳志之以為史官採輯非可自居為史也

一近世為縣志者每多參擬史裁為表志傳各名類并借竊史稱志有食貨五行傳立儒林循吏於是瓊爾一縣之志儼成煥乎全史之文以堪為志天下之縣多矣豈非一縣而為一史乎竊謂大非志體也今故盡避表傳諸稱但以志為總名分別綱目如遇名宦人物宜稱傳者名宦但曰事實人物則分名臣宦績等曰官師選舉宜立表者則皆按時代詳記其

人庶縣志自存體裁 國史可資採擇

一縣志之不宜有正史之名者食貨五行昉自漢書食貨乃綜天下之財物五行復與天文相發明縣所宜志之曰賦物產詳異雖未嘗不在食貨五行之中而適以大名稱之於禮為借於事亦泛故不如名為賦役詳異之親切也至分別儒林循吏等傳尤為謬妄蓋 本朝綜覈名實特重此二者 國史立傳必奏請奉 旨宣付史館始得與焉則儒林循吏直與 子諡無異顧說或前代每有私稱傳則邑乘不容妄擬一武進縣之有志始於明萬曆間唐鶴徵至 國朝康熙間陳玉璠復輯之乾隆間董潮分輯武進陽湖兩縣志道光間李

光緒武進陽湖縣志

二

兆洛始為兩縣合志而成於他人之手今參酌前後各志以類併刪期於體例之正統名之曰志卷首紀 巡幸詳諸圖以下卷帙分十二類 一曰輿地子目七舊志鄉都下所列田畝移詳賦役其水利移詳營建 二曰賦役子目九但詳國朝田賦前代苛弊盡刪不載舊志食貨并人於此 三曰營建子目九舊志以 萬壽亭為艘舟亭詳輿地類之古蹟今移營建之首 四曰禮祀子目三舊志以文廟詳學校今改移廟祠之首又舊志先詳壇壝繼詳廟祠於祀典之前後未符蓋文廟及今之關帝文昌廟皆列中祀而縣之社稷壇乃係雜祀宜為互易又廟祠之不在祀典者名曰里祀寺

觀陵墓之舊詳禮祀者移載雜事 五曰學校子目五舊志

所詳丁祭儀節先賢考證不待邑乘私記今概從刪 六曰兵防子目四歷代兵事舊志名為事略者附志於此 七曰旌卹子目六舊志有旌表但詳男婦孝義貞節壽考之上邀旌典者今增易卹字以咸豐十年男女死難者數萬人皆荷 優卹宜詳其人數案據也 八曰官師子目九舊志立表兼詳府縣今刪改之以今制縣職官名為子目并改名宦傳為名宦事實 九曰選舉子目十一舊志亦為表今改易之任子舊製亦登選之階也并附錄焉 十曰人物子目十二舊志子目甚多概稱曰傳今選傳之名即以其人之品概

光緒武進陽湖縣志

三

學問為子目并稍加裁併藝術列女不再分類 十一曰藝文子目五舊志金石今并於此 十二曰雜事子目五凡陵墓寺觀方外皆詳焉記詳異而省五行之志并摭遺以完雜事之門 一隨圖分兩類一為輿地凡縣境坊廂鄉都山川之圖皆隸之 一為營建凡城池宮室譙樓倉庫之圖皆屬之 一輿地類所詳某圖村鎮有幾皆其著名村莊之數其有三四家為一村及兵燹後由荒墟開闢為村落者多未列入 一戶口詳於賦役凡志皆然 國朝改稱戶口為人丁科徵丁銀康熙時酌定常額雍正時隨田納辦乾隆時停止編審人